



Synfocity = 335

7th April, 2011mail us at : synfo@bsnl.in; synfo@yahoo.com - Phone - 2314648

□ Synod Moderator-in Biak In Pui 2011 a hawng

Nimin (April 6) chhun dar 12:00 khan Synod Moderator Rev. C. Lalsanglian Mission Veng Kohhran Biak In Pui sak thar a hawng a. Biak In Pui thar hawn hma hian Biak In Pui tualzawlah Aizawl Chhim Presbytery Moderator Rev. C. Lalengmawian Souvenir Bu – Bawlhmun Bethel tih chu a tlangzarh a, hetah hian Mission Veng Kohhran lo indin tan dan leh chanchin ngaihnamw tak takte tarlan a ni.

Synod Moderator-in a hawn hnu hian Biak In chhungah inkhawm neih zui a ni a, Mission Veng Bialtu, Pastor H. Lalrinmawian inkhawm a kaihrui a ni. Upa Lalliansawta, Kohhran Secretary-in mi pawimawhte a hmelhriattir a, report ngaihnamw tak a pe bawk. Hemi hnu hian inkhawm hruaitu leh mipuiten thuchhiar inchhawn an nei a, Mizoram Synod Choir, Mission Veng Kohhran Zaipawl leh member 700 awmna Zaipawlpui ten hla an rem bawk. Upa Tawnenga, Building Secretary hnen atangin Biak In Pui sak dan report ngaihthlak leh a ni a, Synod Moderator-in Pathian Thuchah a sawi bawk. Upa C. Hualkungan Pathian hnena lawmthu sawi tawngtaina hun a hmang a, Rev. Dr. Lalngurauva Ralte-in malsawmnain inkhawm a khar a ni.

Biak In Pui thar hawnna inkhawmah hian mi 4000 chuang an inkhawm a, P.C. Girls' School tualah Biak In Pui thar lawmna ruai buatsaih a ni a, mi 3500 chuangin ruai hi an theh a ni.

Mission Veng Kohhran hi kum 1898-a ding tan kha a ni a. Tun hma lam chuan Zosapte sikul te, P.C. Girls School te leh Sikulsen (Boys' LP School) te hmanga inkhawm neih thin a ni a. Tuna biak in awmna hi Hriangmual Bawlhmun, Ramhuai biakna hmun thin a ni a. Hetah hian kum 1913-ah biak in neih tan a ni a, a satute chu Khasi lungchher leh Punjabi mistiri te an ni a. Sikulsena an inkhawm laiin harhna a lo thleng a, inkhawmna inah an len tak loh avangin zo leh zo lovin kum 1913 April 17-ah harhna nen luah luh tan a ni. He biak in hi kum 44 chhung (1957 thleng) hman a ni a. Rev. J.M. Lloyd-a hovin biak in thar sak a ni a, hetih chhung hian Jubili Hostel, Mission Vengthlang-ah inkhawm thin a ni a. Biak in thar chu Mizo mistiri-te sak a ni a, a sakna senso atan hian Mizoram chung leh pawna kohhran hrang hrangten tha an thawh nasa hle a. A senso zawng zawng chu Rs. 62,264.76 a ni a; thawhlawm thawh dan za zela chhutin hetiang hi a ni:

- ♦ Mission Veng Kohhran 79.2%
- ♦ Hmun dang (Sapram, Burma, India ram hmun hrang hrang atangin) 14.4%
- ♦ Synod (Mizoram chhunga Kohhran hrang hrang thawh khawm) 6.4%

Kum 1964 August 27-ah biak in thar chu luah tan a ni a, Mizoram chung leh pawna Mizo Kristiante biak in intawm anga ngaih a ni a, Biak In Pui tia hriat a ni ta nghe nghe a. Inkhawmpui Lian chi hrang hrang nghahna bera hman a ni a. Kum 1965 khan Salvation Army hote pawhin an Centenary lawmna atan an hmang a ni. He biak in hi kum 47 zet luah a ni a, kum 2005 October thla khan thiah niin Biak In Pui thar din a ni ta a. Biak In Pui thar hian thil dang a keng tel nual a, a chuan hnuai lamah lirthei dahna (parking) te, hmun ruak hman tangkai theih (semi open hall) te, Kohhran Hall 2 (a lian leh te deuh) te leh a hnung lamah Office leh Library, Committee room hrang hrang leh Chowkidar Quarters te a awm bawk a, a sakna senso hi Rs. Nuai 700 zet a tling tawh a, tunah hian cheibawlina neuh neuh chhonzawm tur a la awm nual bawk a ni.

Nizan (April 6) khan lawmthu sawi inkhawm neih a ni a, Rev. Lalbiaktluanga, Ex-Pastor i/c Mission Veng Bial-in Pathian Thuchah a sawi a ni. Zanin (April 7) atang hian Chanchin Tha Beihpui inkhawm an nei tan ang a, Speaker tur chu Rev. Vanlalzuata a ni a, campaign hian Pathianni (April 10) zan thleng a awh ang.

□ Zin

- ♦ April 4 - 12 chhung hian Cambodia rama Missionary hna thawktute tlawh leh an hmun hma enfiat turin Rev. Lalzuithanga, Executive Secretary a zin mek.
- ♦ April 6 - 8 chhung hian Presbyterian School, Teikhang leh Ngopa-a mi tlawhin Rev. Mangchhuana Sailo, Supervisor of Schools a zin mek a ni.

□ Synod Mission Board

Synod Mission Board chuan kum 2011 chhunga Contract Missionary atan mi 30 a la thar a, Missionary lak tharte hi April 10 (Pathianni) chawhnu inkhawmah Chhinga Vengthlang Kohhran Biak Inah thlahna hun hman a ni ang. April 12 (Thawhlehi) dar 11 a.m. atangin Committee Room No.1, Synod Office-ah Orientation neih tur a ni a, Joining report pek leh agreement sign nghal tur a ni. Missionary atana lak tharte hian April 15, 2011 aia tlai lovah an thawhna tur hmun thlen theuh tur a ni. Missionary tirchhuah inkhawm programme phek lehlamah tarlan a ni.

□ MSSU

April 9 (Inrinni) hian New Capital Complex & Zemabawk South Kohhranah Sunday School Zirtirtu Training neih a ni dawn a, training neihpui tur hian New Capital Complex Kohhranah Upa Lalrintluanga, Mission Vengthlang; Upa K. Vanialnghaka, Ramhlun East (MSSU Trainers) leh Pu Lalthahluna Ralte, MSSU Asst. Coordinator te an kal ang a, zan Inkhawmah Upa Lalrintluangan 'Fanau enkawl chungchang' thuchah a sawi ang. Zemabawk South Kohhranah Upa K. Zoremsanga, Kulikawn leh Upa Zohmangaiha, Zemabawk Vengthar (MSSU Trainers) te an kal thung ang a, zan Inkhawmah Upa K. Zoremsangan 'Fanau enkawl chungchang' thuchah a sawi ang.

□ Music

April 5 - 8 chhunga Dholchhora, Silchar Bial chhunga Music Training neih tura tih chu Silchar Mission Compound-ah sawn leh a ni a, training hi Pu Lalromawia, Synod Music Instructor leh Pu Lalsangzuala, Dam Veng ten an neihpui mek a ni.

□ Kristian Thalai Pawl

April 8 & 9 hian Synod Multipurpose Training Centre, Mission Vengthlangah **Mizoram Synod Choir Residential Retreat** neih a ni dawn a, Speaker atan Rev. R. Lalrosiama, Aizawl Theological College an hmang ang. Retreat-ah hian Sermon, Discussion/Sharing, Tawngtairual/Bethel leh zaihona te an nei ang. April 9 (Inrinni) chawhnu dar 1:00-ah Retreat kharna inkhawm neih a ni ang a, Pu H. Liantluanga, Synod Choir Director-in programme a kaihrui ang.

□ Susamachar Prasaran Programme

April 10 (Pathianni) tlaihai Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang : **Group/Choir/Solo** : Aizawl EFCI Choir - Paap Chollaba Eihak Ni; **Group/Choir/Solo** : Chhinga Veng Kohhran Masihi Sangati Zaipawl - Jana He Kia Isu Ke Pas; **Sermon** : Rev. SB_Gurung- Samai Ka Sudh Upyog; **Group/Choir/Solo** : Himali Kohhran Zaipawl - Torde Nafratky Diwar; **Group/Choir/Solo** : Masihi Sangati - Ramhlun North Kohhran; **Stuti Geet** : Stuti Geet - Bolo Jay Milkar Jay.

Contd...

MISSIONARY TIRHCHHUAH INKHAWM Programme

A hmun : Chhinga Vengthlang Kohhran Biak In
A hun : April 10, 2011 (Pathianni)
Dar 1:30 p.m.

Chairman	:	Rev. Rualkhuma, BEC Member
Tanna	:	Chairman
Hla sakho	:	'Lalpa, ram lak tumin khawvelah hian' (KHB. 338)
Inhmelhriattirma	:	Upa R. Lalmalsawma Coordinator, Synod Mission Board
Tirchhuahna & thuchah	:	Rev. Lalchhuanmawia Secretary, Synod Mission Board
Zaipawl	:	Mizoram Synod Choir
Thusawi tawi	:	Tirchhuhachte aiawh
Tawngtaisakna	:	Rev. C.M. Zalenthanga, BEC Member
Zaipawl	:	Chhinga Vengthlang Kohhran Zaipawl
Hla sakho	:	'Ngai rawh, Lalpain a grep huanah' (KHB. 355)
Banna	:	Chairman kutah

Note : Tirchhuah turte hi an chungte hrwai turin beisei an ni a. He inkhawma tel duh apiang lo tel turin Kohhran mipuite sawm in ni e.

SYNOD SUM DINHMUN

1ST APRIL 2010 - 31ST MARCH 2011

A PUMPUA HMUH KHAIKHAWMNA

Budget Head	2010 - 2011 Budget	Hmuh zawng zawng	Budget khumna	Khumna Percent	2009 - 2010 Hmuh	Nikum khumna
Pastoral	29,16,24,000	40,34,06,314	11,17,82,314	38.33	33,00,44,168	7,33,62,146
Mission	30,22,73,700	31,96,28,025	1,73,54,325	5.74	27,04,22,390	4,92,05,635
Total	59,38,97,700	72,30,34,339	12,91,36,639	21.74	60,04,66,558	12,25,67,781

HEAD HRANG HRANGA HMUHNA

Sl. No.	Budget Head	2010 - 2011 Budget	Apr 10 - Mar 11 chhunga hmuh	Budget Phaklohna/ khumna	Hmuh zat percent
1	PASTORAL				
	1 (1) Pathian Ram				
	1) Pathian Ram	21,47,39,000	30,03,60,748	(+) 8,56,21,748	139.87
	2) Buhfaitham	5,90,00,000	7,55,28,608	(+) 1,65,28,608	128.01
	3) Sakramen	17,00,000	27,09,554	(+) 10,09,554	159.39
	4) Sunday School	21,00,000	26,39,954	(+) 5,39,954	125.71
	5) Inneihna	85,000	1,47,297	(+) 62,297	173.29
	Total	27,76,24,000	38,13,86,161	(+) 10,37,62,161	137.38
	1 (2) Designated Total	6,50,000	34,33,411	(+) 27,83,411	528.22
	1 (3) Hmuhna dang Total	1,33,50,000	1,85,86,742	(+) 52,36,742	139.23
	Pastoral Grand Total	29,16,24,000	40,34,06,314	(+) 11,17,82,314	138.33
2	MISSION				
	2 (1) Ramthar				
	1) Ramthar	19,54,77,900	20,14,46,561	(+) 59,68,661	103.05
	2) Thawktu chawmna	9,60,00,000	11,06,50,761	(+) 1,46,50,761	115.26
	Total	29,14,77,900	31,20,97,322	(+) 2,06,19,422	107.07
	2 (2) Hmuhna dang Total	1,07,95,800	75,30,703	(-) 32,65,097	69.76
	Mission Grand Total	30,22,73,700	31,96,28,025	(+) 1,73,54,325	105.74
	Receipt Grand Total	59,38,97,700	72,30,34,339	(+) 12,91,36,639	121.74

